

## Communicaziun a las medias

### Oh, tge bel è Panama – il davos disc cumpact da la retscha TOP KIDS

Cuira, ils 15-12-2015 – **Panama, quai sto bain esser il pajais dals siemis. Perquai sa mettan il pitschen tigher ed il pitschen urs a la tschertga da Panama. En il nov e davos disc da la seria TOP KIDS da Radiotelevisiun Svizra Rumantscha (RTR) e da la Lia Rumantscha (LR) vai per vesair l’agen dachasa or d’ina autra perspectiva.**



Il nov Top Kids vol. 23



Karin Kohler, coeditura (Lia Rumantscha) e Claudia Cathomen, producenta (RTR) han edì ils ultims onns la seria da Top Kids.

Il pitschen tigher ed il pitschen urs èn buns amis. Els n’han tema da nagut, perquai ch’els èn fermes sco in urs e sco in tigher. Els vivan ensemen en ina chasetta cumadaivla sper in flum. In bel di chatta il pitschen tigher ina chista da lain cun scrit si “Panama”. La chista savura da bananas. Perquai ch’els han gugent bananas, decidan l’urs ed il tigher dad ir a tschertgar Panama. Quai sto bain esser il pajais da lur siemis. L’istorgia pussibilitescha als dus protagonistas da vesair lur agen dachasa or d’ina nova perspectiva. Pir ord la distanza realiseschan els che lur dachasa è pli bel che quai ch’el para da manaivel. U ditg cun auters pleds: il tigher e l’urs vivan gia en il paradìs, ma n’han simplamain betg anc savì quai.

Scrit l’istorgia ha Horst Eckert, alias Janosch. Janosch è in illustratur, autur da cudeschs d’uffants e scrivent tudestg. Oh, tge bel è Panama (tudestg: Oh, wie schön ist Panama) è vegnì undrà cun il premi da cudeschs per giuvenils tudestg. El è cumparì il 1978. Il disc cumpact Top Kids vol. 23 “Oh, tge bel è Panama” è il davos da questa retscha. L’entira seria da Top Kids vol. 1 - 23 pon ins retrair tar RTR e tar la LR.

#### Il disc cumpact pon ins cumprar per CHF 19.50 tar:

- Radiotelevisiun Svizra Rumantscha | 081 255 75 75 | [www.minisguard.rtr.ch](http://www.minisguard.rtr.ch)
- Lia Rumantscha, Cuira | 081 258 32 22 | [www.liarumantscha.ch](http://www.liarumantscha.ch)
- tut las librerias che vendan products rumantschs

#### Ulteriuras infurmaziuns:

Radiotelevisiun Svizra Rumantscha  
Claudia Cathomen, producenta Radio Rumantsch  
Tel. 081 255 75 75 | e-mail: [claudia.cathomen@rtr.ch](mailto:claudia.cathomen@rtr.ch)



Lia Rumantscha